



საქართველოს გაერთიანებული სახელმწიფოს და სოფლის მეურნეობის მინისტრი

ბრძანება N 2-963

07/10/2019

ქ. თბილისი

გურჯაანის მუნიციპალიტეტში, სოფ. ჩუმლაყის მიმდებარე ტერიტორიაზე მიწისქვეშა მტკნარი წყლის (სამეწარმეო მიზნით) მოპოვებაზე სკრინინგის გადაწყვეტილების შესახებ

სსიპ წიაღის ეროვნული სააგენტოს მიერ გზმ-ს ჩატარების საჭიროების დადგენის მიზნით საქართველოს გარემოს დაცვისა და სოფლის მეურნეობის სამინისტროში წარმოდგენილია გურჯაანის მუნიციპალიტეტში სოფ. ჩუმლაყის მიმდებარე ტერიტორიაზე მიწისქვეშა მტკნარი წყლის (სამეწარმეო მიზნით) მოპოვების სკრინინგის განცხადება.

დაგეგმილი საქმიანობა ითვალისწინებს გურჯაანის მუნიციპალიტეტში სოფ. ჩუმლაყის მიმდებარედ, მდ. ფაფრისხევის მარჯვენა მხარეს, ვაკე რელიეფის მქონე ტერიტორიაზე, მიწისქვეშა მტკნარი წყლის (სამეწარმეო მიზნით) მოპოვებას. აღნიშნული ტერიტორია ეკუთვნის შპს „ალკოჰოლური სასმელების კომპანია ალავერდს“. წიაღისეულობის ობიექტის კოორდინატებია: #1-X-565359,0000; Y-4625324,0000; #2-X-565529,3067; Y-462505,3277; საპროექტო ტერიტორიიდან უახლოესი დასახლებული პუნქტი დაშორებულია 500 მეტრით.

წარმოდგენილი დოკუმენტაციის თანახმად, მოსაპოვებელი მიწისქვეშა მტკნარი წყლის მოცულობა შეადგენს: 130 000 მ³-ს წელიწადში; სალიცენზიო ობიექტების (ორი ჭაბურღილი) სავარაუდო სიღრმე 200 მეტრია. სალიცენზიო ჭაბურღილები არ მიეკუთვნება თვითმდენ ჭაბურღილების ტიპს, ამიტომ მოთხოვნილი 130 000 მ³/წელ- წყლის რაოდენობა წარმოდგენილია C₂ კატეგორიით.

სკრინინგის განცხადების თანახმად, პირველი ფენის წყლები ძირითადად ჰიდროკარბონატულ-ნატრიუმიან-კალციუმიანია, საერთო მინერალიზაცია 1,4 გ/ლ-მდე, ხოლო მეორე ფენის წყლები ქიმიური შემადგენლობით ჰიდროკარბონატულ-სულფატური, კალციუმიან-ნატრიუმიანი ტიპისაა, დაბალი მინერალიზაციით 0,6-1,3 გ/ლ-მდე. ბაქტერიოლოგიური და ფიზიკური შემადგენლობა ასევე სანიტარული მდგომარეობა დამაკმაყოფილებელია. წყლის გამოყენება შესაძლებელია სამეწარმეო დანიშნულებით. წყლის ტემპერატურა 12-13 °C-ია.

საინჟინრო გეოლოგიური პირობების სირთულის მიხედვით ტერიტორია მიეკუთვნება I (მარტივ) კატეგორიას. წიაღისეულობის ობიექტების ტერიტორიის გეოდინამიკური სიტუაცია სტაბილურია და ექსპლუატაციის პროცესში გართულებები მოსალოდნელი არ არის.

აღნიშნული მიწისქვეშა მტკნარი წყლის ჭაბურღილები (ორი ჭაბურღილი) წარმოადგენს არსებულ ობიექტებს, თუმცა #2 ჭაბურღილის ტერიტორია მოითხოვს დასუფთავებას და საჭიროებს ღობის მოწესრიგებას. რადგან ტერიტორია წარმოადგენს უკვე ათვისებულს, გამომდინარე აქედან ნიადაგის ნაყოფიერ ფენაზე მნიშვნელოვანი ზემოქმედება მოსალოდნელი არ არის.

ვინაიდან სალიცენზიო ობიექტი არსებულია და თავმორთულობაც მოწყობილია, შესაბამისად, ნარჩენების რაოდენობის გათვალისწინებით ზემოქმედება არ იქნება მნიშვნელოვანი. ასევე, საქმიანობის განხორციელების პროცესში ხმაურის წარმოქმნას არ ექნება ადგილი.

საპროექტო ტერიტორია არ ხვდება სახელმწიფო ტყის ფონდის, დაცული ტერიტორიების, კულტურული მემკვიდრეობის ძეგლების სიახლოვეს. ასევე, ტყით მჭიდროდ დაფარულ ტერიტორიასთან, სადაც გაბატონებულია საქართველოს „წითელი ნუსხით“ დაცული ხე-მცენარეები. ასევე არ არის მოსალოდნელი კუმულაციური ზემოქმედება.

„გარემოსდაცვითი შეფასების კოდექსის“ მე-7 მუხლის მე-5 ნაწილის შესაბამისად, სკრინინგის განცხადება გამოქვეყნდა სამინისტროს ოფიციალურ ვებგვერდზე და გურჯაანის მუნიციპალიტეტის საინფორმაციო დაფაზე. საზოგადოების მხრიდან აღნიშნულ საქმიანობასთან დაკავშირებით შენიშვნები და მოსაზრებები წარმოდგენილი არ ყოფილა.

სკრინინგის განცხადების მიხედვით დგინდება, რომ დაგეგმილი საქმიანობა გარემოზე მნიშვნელოვან ზემოქმედებას არ გამოიწვევს.

ზემოაღნიშნული კრიტერიუმების გათვალისწინებით, „გარემოსდაცვითი შეფასების კოდექსის“ მე-7 მუხლის მე-3 და მე-6 ნაწილების საფუძველზე,

ვ ბ რ ძ ა ნ ე ბ:

1. მიღებულ იქნეს სკრინინგის გადაწყვეტილება, რომ გურჯაანის მუნიციპალიტეტში სოფ. ჩუმლაყის მიმდებარე ტერიტორიაზე მიწისქვეშა მტკნარი წყლის (სამეწარმეო მიზნით) მოპოვება **არ დაექვემდებაროს** გარემოზე ზემოქმედების შეფასებას;
2. ლიცენზიის მფლობელი ვალდებულია საქართველოს კანონის „გარემოსდაცვითი შეფასების კოდექსის“ მე-7 მუხლის მე-8 ნაწილის შესაბამისად უზრუნველყოს გარემოსდაცვითი ტექნიკური რეგლამენტებით დადგენილი მოთხოვნებისა და გარემოსდაცვითი ნორმების დაცვა;
3. ბრძანება დაუყოვნებლივ გაეგზავნოს სსიპ „წიაღის ეროვნულ სააგენტოს“;
4. ბრძანება ძალაში შევიდეს სსიპ „წიაღის ეროვნული სააგენტოს“ მიერ ამ ბრძანების გაცნობისთანავე;
5. სკრინინგის გადაწყვეტილების გაცემიდან 5 დღის ვადაში აღნიშნული გადაწყვეტილება განთავსდეს სამინისტროს ოფიციალურ ვებგვერდზე და გურჯაანის მუნიციპალიტეტის ადმსრულებელი ან/და წარმომადგენლობითი ორგანოს საინფორმაციო დაფაზე;

6. ბრძანება შეიძლება გასაჩივრდეს თბილისის საქალაქო სასამართლოს ადმინისტრაციულ საქმეთა კოლეგიაში (თბილისი, დ. აღმაშენებლის ხეივანი, მე-12 კმ. N6) მხარის მიერ მისი ოფიციალური წესით გაცნობის დღიდან ერთი თვის ვადაში.

ლევან დავითაშვილი



მინისტრი